

春浮園記

蕭士瑋

余世家柳溪楊文貞貽先宗伯有溪影入簾春雨足之句余園去柳溪可二百武背市負郭便耕釣之樂而無鳴犬之驚結屋數椽以畜妻子左帶平原水木幽茂蟬鳴鳥呼頗類山谷折而北爲公安亭亭古壇地也霜雪之所磨戛風雨之所剝蝕虬枝鐵幹俱已蕩爲冷風煙雲亭獨巖然若魯之靈光每婆娑其下令人有遺世之想焉稍前則金粟堂老桂叢生其中其東有廊臨芙蓉池清露晨流荷香細細倚笑臨風致足樂也從此走嬋娟逕逕濱湖修竹數畝便娟可愛因取孟東野竹嬋娟以名之逕窮有洲如月望遠樹如薺上則杯山矣山半峙湖中從湖視道藏輯要

天下名山記  
江西春浮園蕭

三

軫集三

山如杯從山視湖還如螺泛泛於盆中也陟其巔魚游樹杪人行鏡中樹影俱從中流而見走山麓則聽鶯弄也弱肌欲眠嬌喉宛轉雜以絲竹便欲臥耳弄北有橋橋可百武目力所際波遙似岸岸外固湖也每風發水橫鳥難徑度輒擇邊而飛橋最宜月秋澄輪滿迫以驚湍勢不能員泠泠有聲耳其被於地人以爲霜也從林而落風斯瀾矣竟無月焉者久之得山焉曳如練光漸移過樹乃知是月也月竟小矣橋之南古柏林立皆宋元物也自茲數百武叢篁夾路時避時就輒與人易其藏一邱於曲折之中者宿雲墩也古籐壽樟屯雲宿霧薰風徐來輒爲所留久之乃得去故雖暑月益懷霜氣去墩數十武植緋桃百

株紅妝臨水嫣然可愛稍前則走愚山道也疊嶂夾天角立競出長江一線時見樹杪帆影千章半落酒杯碧知湖外草色如煙白在山腰雲容似帶谷出其足與水爭地水嚙其趾撥爾而怒挾以罡風勢恒欲墮游者縱饒勝情亦難穩坐旁學一山往來水上朝似東行暮欲西徙衝寒梅放香聞十里者浮山也山空無人花自開落參差遠樹微露綺疏是爲秋聲閣矣閣旁種玉蘭西府海棠之類太真露醉午睡初足號國承恩平明淡掃憑欄靜對不惟忘憂可以忘老至於四時之變亦畧可言門掩黃昏數陣香雪淚濕胭脂幾番紅雨一往深情幽閨無賴若夫木葉微脫寒鴉數點山氣夕佳歸飛千翼蕭條高寄斯固幽人

道藏輯要

天下名山記  
江西春浮園蕭

无

軫集三  
801

之微致矣兼以夏之日冬之夜闔扉晝酣棋聲松間月明林下美人忽來雖暄淒頗異而爲歡畧同又况氣候變於昏旦邱壑殊其晴陰自非身習鮮不河漢橫舟而渡林木翳然者蕭齋也齋旁亦結小閣東望瑤山王子年上昇之所也北眺娥姥陶皮二仙丹竈在焉予少有輕舉之志長而知天上至尊檢校最勤酌接甚勞縱獲難老性亦不耐又情幽斯鈍想明斯聰仰箭射空勢盡還墜熠熠清擾徒自苦耳何如水邊林下得以澄懷觀道故一邱雖小備極登臨之巧者蓋欲終老於其中也山南數武列植木樨芳烈撲人鼻久成勞拾級而登一樹一臺前帶平湖後枕古樹遊人至此足倦嘗地差可少憩矣臺南古樹百章

孫枝旁柯咸可蔽牛日月至此輒相隱避光如雨點自枝間墮  
微風鱗鱗時碧時白如千尺霧縠布地上也每高天流火揮汗  
成漿累徙不如意纔入其中便想衣裘茗柯田田綴以寒花綽  
約冰雪微風聞香澤水仙差堪作婢耳過此卽還公安亭道也  
予園居多暇涉筆及此大約如郭忠恕寫天外遠山澹澹數峰  
聊自怡耳安得吳道子一日之功李師訓數年之力以盡予園  
之致也春浮主人曰昔魏公子無忌奪符臥內椎晉鄙軍西却  
強秦北存弱趙志意亦大豪矣及功成身疑進退失據日飲醕  
酒弄婦人以消耗其雄心烈士莫年大致然也若夫情之所至  
一往而深遵途而騁窮轍而歎蘭亭金谷達人之勝槩也而痛  
道藏輯要

天下名山記  
江西春浮園蕭

辛

軫集三  
川七三

性命之不永感凋落之無期逸少云欣於所遇快然自足及所  
之旣倦情隨事遷感慨係之矣桑葉落而長年悲其亦有大不  
得已者以奪其任生之情者乎予年來壯心已盡深情猶存一  
邱一壑聊以極予情之所至耳嗟乎情非我能忘之也送君者  
皆自崖而返水窮山盡行興自銷耳亦有戰勝而肥爲予不知  
者乎東風至而酒湛溢其中氣已薄矣夫固不及情者矣